

四庫全書

史部

欽定四庫全書

史部
行水金鑑卷二

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官庶吉士臣吳裕德

膳錄監生臣湯師錫

欽定四庫全書

行水金鑑卷一

江南按察使傅澤洪撰

河水

導河積石至於龍門

禹貢

釋水云河千里一曲一直則河從積石北行又東乃南行至於龍門漢書西域傳云河有兩源一出蔥嶺一出于闐于闐在南山下其河北流與蔥嶺河合東

注蒲昌海蒲昌海一名鹽澤

又云于闐之西水皆西流注西海其東水東流

注鹽澤河源出焉

去玉門陽關三百餘里廣袤三百里其水

停居冬夏不增減皆以為潛行地下南出於積石為

中國河

孔穎達尚書疏

漢孔氏曰施功發於積石或鑿山或穿地或通流此

說不然使自積石而下龍門而上果有鑿山穿地之

迹則經無緣畧而不載也

林之奇尚書全解

禹不言河源惟記積石吾第論其所記不必求其所

不言也龍門而上積石而下地高而水不為患禹功

所不加故不言也

傳寅禹貢集解

導者循行之謂先儒皆以為施功故其說多誤洪水為帝都切近之災龍門未闢而先從事於積石舍近圖遠無是理也漢志金城郡河關縣下云積石山在

西南羌中河水行塞外東北入塞內

漢河關縣在今陝西西寧衛西

南塞外西域傳云鹽澤水潛行地下南出於積石為中

國河後漢縣屬隴西郡志云積石山在西南河水出

此禹貢之積石也段頤傳自張掖追西羌且闔且行
四十餘日至河首積石山出塞二千餘里唐書侯君
集等追吐谷渾王伏允至星宿川又達柏海北望積
石山觀河源之所出是皆河關縣西南羌中之積石
自隋大業二年平吐谷渾於赤水城置河源郡以境
有積石山名唐儀鳳二年改置河源軍在鄯州西百
二十里

鄯州即西平郡治湟水縣今為西寧衛治

又於澆河故城置積石

軍在廓州西南百五十里

廓州治化城縣其故城在今西寧衛南百八十里唐

元和志云積石軍西臨大澗而積石之名遂移於塞北據黃河即隋澆河郡所治

內杜氏通典云積石山在今西平郡龍支縣南即禹貢導河積石蔡傳承其誤曰地志積石在金城郡河關縣西南羌中今鄯州龍支縣界也閻百詩為之辯曰漢河關縣宣帝神爵二年置後涼呂光龍飛二年克河關凡四百五十七年為郡縣後沒入吐谷渾遂不復況積石又在其西南羌中乎當在漢西海郡之外是真當日大禹導河處龍支縣近在今西寧衛東

南八十里本漢金城允吾

音牙

縣地後漢為龍耆

音支

城元和志積石山在龍支縣西九十八里南與河州

枹

音孚

罕縣分界枹罕今臨洮府之河州積石山在州

西北七十里積石關則又在西北百二十里所謂兩

山如削河流經其中是較禹所導之積石河隔千有

餘里豈在其縣界者乎縣界之積石乃小積石山即

酈注之唐述山耳大小積石之名莫明辨於唐人魏

王泰曰大積石山在吐谷渾界小積石山在枹罕縣

西北張守節曰河自鹽澤潛行入吐谷渾界大積石
山又東北流至小積石山李吉甫曰河出積石山西
南羌中今人目彼為大積石此為小積石然則蔡傳
當云何曰引地志下當云今鄯州西南塞外山也漢
在羌中唐在吐谷渾界今河州枹罕縣鄯州龍支縣
界有積石山雖河所經非禹所導者按吐谷渾本遼
東鮮卑種也東
晉初徙居枹罕宋景平中其子孫有阿豺者升西疆
山觀墊江源則其地南至西傾矣又數傳為夸呂始
自號可汗治伏俟城在青海西十五里據有甘松之
南洮水之西南極於白蘭其地東西三千里南北千

餘里党項羌在北析支之地漢時燒當羌亦嘗居之
白蘭者羌之別種也其地皆與吐谷渾接吐谷渾在
河湟之間即先零燒當諸羌故地積石在
其西南南枕賜支河曲禹導河自此始 渭按應劭

云析支東去河關千餘里河首積石南枕析支則縣

距此山亦千餘里可知矣自東晉後縣為吐谷渾所

據遂以枹罕為華戎之界故唐初太子賢注後漢書

誤認龍支之積石為禹貢之積石

後漢桓帝紀延熹二年燒當等八種

羌叛寇隴右護羌校尉段熲追擊於羅亭破之注云
東觀記曰追到積石山即與羅亭相近今鄯州三年
燒當羌叛段熲追擊於積石大破之注云積石而中
山在今鄯州龍支縣南即禹貢導河積石是也

葉已知其非獨杜佑不審耳宋咸平四年真宗指甘
沙伊涼等州圖謂輔臣曰此圖載黃河所出之山乃
在積石外與禹貢所述異蓋亦以龍支之積石為禹
迹也蔡氏承誤以釋經學者宗之故元都實窮河源
仍以廓州西南之積石州為積石州即唐積石軍而至正中
修宋史河渠志亦云黃河自貴德西寧之境至積石
經河州昔郭景純注山海經曰名實相亂莫矯其失
習非勝是終古不悟此之謂矣漢志馮翊夏陽縣下

云禹貢龍門山在北劉昭注補郡國志云太史公曰遷生龍門韋昭謂在縣北也水經注引魏土地記曰

梁山北有龍門山後魏志夏陽縣有龍門山隋改縣

曰韓城

今陝西西安府韓城縣也

故括地志云龍門山在韓城縣

北五十里此河西之山東與壺口隔水相望通典云

同州韓城絳州龍門二縣有龍門山即禹所鑿是河

東亦有龍門山矣然經所謂龍門在雍域不在冀域

孔疏謂積石在龍支又據釋水之文故云至龍門三

千餘里然其實不止於此約計有四千三百餘里若禹貢之積石更在龍支縣西南塞外一千二百餘里則自積石至於龍門當有五千五百餘里也龍門以下記河行方向甚詳而其上絕不言方向蔡傳云荒遠其所畧也今按龍門以上禹功所不加故數千里之河總括為一句河自積石東北流至寧夏折而北至廢豐州折而東至東受降城折而南方向不一難於屬辭故畧之非為荒遠也河自積石至於龍門所

行皆雍州之域不可謂荒遠宋人見朔方西涼不入

其版圖遂以荒遠目之

胡渭禹貢錐指

河水東入塞過敦煌酒泉張掖郡南

水經

河自蒲昌有隱淪之證重源出於積石之山山海經曰積石之山其下有石門河水冒以西流是山也萬物莫不有禹貢所謂導河自積石也山在西羌之中司馬彪曰西羌者自析支以西濱於河首左右居也河水屈而東北流徑於析支之地是為河曲矣應

劭曰禹貢析支屬雍州在河關之西東去河關千餘里羌人所居謂之河曲羌也東北逕歷敦煌酒泉張掖南地理風俗記曰敦煌酒泉其水甘若酒味故也

張掖言張國臂掖以威羌狄

酈注 敦煌今肅州西八百里廢沙州衛酒泉

今肅州衛張掖今甘州衛

又自河曲東逕西海郡南

水經

漢平帝時王莽秉政欲耀威德以服遠方諷羌獻西海之地置西海郡築五縣周海亭燧相望莽篡政紛

亂郡亦棄廢

酈注

漢志金城臨羌縣西北塞外有

也一名卑禾羌海亦曰青海又曰鮮水海趙充國請

治湟陁以西道橋令可至鮮水左右王莽誘塞外羌

獻鮮水海允谷鹽池是也郡治龍夷城在臨羌新縣

西三百十里元和志云鄯州西至西海三百七十里

龍夷城即今西北三百五十里威戎城也今為西寧

衛西塞外地臨羌故城在衛西二百八十里浩疊河

南見錐指

後倣此

又東逕允川而歷大榆小榆谷北

水經

羌迷唐鍾存所居也永元五年貫友代聶尚為護羌

校尉攻迷唐斬獲八百餘級収其熟麥數萬斛於逢

留河上築城以盛麥其作大船於河峽作橋渡兵迷
唐遂遠依河曲永元八年迷唐復與鍾存東寇而還
十年謁者王信耿譚西擊迷唐降之詔聽還大小榆
谷迷唐種人以漢造河橋兵來無時故地不可居復
叛居河曲與羌為讎種人與官兵擊之允川去迷唐
數十里營止遣輕兵挑戰因引還迷唐追之至營因
戰迷唐敗走於是西海及大小榆無復聚落隄靡相
曹鳳上言建武以來西戎數犯法常從燒當種起所

以然者以其居大小榆谷土地肥美又近塞內與諸種相傍南得鍾存以廣其衆北阻大河因以為固又有西海魚鹽之利緣山濱水以廣田畜故能强大常雄諸種今黨援壞沮親屬離叛其餘勝兵不過數百宜及此時建復西海郡縣規固二榆廣設屯田隔塞羌胡交關之路殖穀富邊省輸轉之役上拜鳳為金城西部都尉遂開田二十七部夾河與建威相首尾後羌反遂罷

鄯注 允川在西寧衛西南塞外大小榆谷即唐之九曲也東去積石軍三百

里水甘草良宜畜牧睿宗時楊矩為鄴州都督奏請
黃河九曲之地以為金城公主湯沐之所吐蕃既得
頓兵畜牧又與唐境接近自是復叛天寶中哥舒翰
為隴右節度使復收九曲置澆河洮陽二郡高適作
九曲詞以
美其功

又東過隴西河關縣北洮水從東南來流注之

水經
隴西今

臨洮府河關縣
在今河州西

河水又逕沙州北段國曰澆河

段國沙州記云洮水
與墊江水俱出強臺

山而北注說澆水知
洮字乃傳寫之誤耳西南一百七十里有黃沙沙南

北一百二十里東西七十里都不生草木周迴數百

里沙州於是取號焉地理志曰漢宣帝神爵二年置

河關縣蓋取河之關塞也

酈注

又東北流入西平

經誤作平

郡界左合二川南流入河又東

北濟川水注之

水經

水西南出濫瀆東北流入大谷謂之大谷水北逕澆

河城西南北流注於河

酈注

後漢建安中析金城郡臨羌等縣置西平郡治西

都縣後魏置鄯州隋改縣曰湟水其故城即今西寧衛治元和志云湟水縣本漢破羌縣地

東又逕澆河故城北

水經

有二城東西南角倚東北去西平二百二十里

酈注南涼禿

髮烏孤以河南地為澆河郡治北城唐於此復置澆河郡其東為積石軍

又東逕石城南左合北谷水

水經

昔段熲擊羌於石城投河墜坑而死者八百餘人即

於此也

酈注後魏石城縣廢帝改化隆唐改化城酈州治焉元和志云黃河在縣南八十里

又東北逕黃河城南

水經

西北去西平二百一十七里

酈注黃河廣達二城俱在酈州境內

又東北逕廣達城北又合烏頭川水

水經

水發遠川引納支津北逕城東而北流注於河

注酈

又東逕邯川城南

水經

城之左右歷谷有三水導自北山南逕邯亭注於河

酈注 廢酈州城東南有邯川城禿髮得檀所置邯川護軍也

又東臨津谿水注之

水經

水自南山北逕臨津城西而北流注於河

注酈

又東逕臨津城北白土城南

水經

十三州志曰左南津西六十里白土城城在大河之

北而為緣河濟度之處北魏涼州刺史郭淮破羌遮

寒

魏志作塞

於白土即此處矣

酈注

臨津城在今河州西北一百二十里隋曰臨

津關大業五年自將伐吐谷渾出臨津關渡黃河至西平即此城也白土城在今西寧衛南

又東左會白土川水

水經

水出白土城西北下東南流逕白土城北又東南注

於河

酈注

又東北會兩川右合二水

水經

參差夾岸連壤負險相望河北有層山山甚靈秀山

峯之上立石數百丈亭亭桀竝競勢爭高遠望參參
若攢圖之托霄上其下層巖峭舉壁岸無階縣巖之
中多石室焉室中若有積卷矣而世士罕有津逮者
因謂之積書巖巖堂之內每時見神人往還矣蓋鴻
衣羽裳之士練精餌食之夫耳俗人不悟其仙者乃
謂之神鬼彼羌目鬼曰唐述復因名之唐述山下崖

有水導自是山谿水南注河謂之唐述水

鄴注西寧衛東南

八十里
有龍文故城本漢允吾縣地後漢置龍耆城
和帝以曹鳳為金城西部都尉屯龍耆是也後魏於

北置北金城縣西魏改曰龍支元和志積石一名唐述山今名小積石山在鄯州龍支縣西九十八里河州枹罕縣北七十里黃河在龍支縣西南六十里枹罕縣北五十里

又東得野亭南

水經

又東北流得研川謂之研川水又東北注於河謂之

野城口

鄯注

又東歷鳳林北

水經

鳳林山名五巒俱峙秦州記曰枹罕原北名鳳林川

川中則黃河東流也

鄯注 鳳林在今河州北隋志枹罕縣有鳳林山元和志云在

縣北三十里

又東與瀛水合

水經

水導源塞外羌中又東北逕石門口山高嶮絕對岍
若門疑即臯蘭山門也漢武帝元狩三年驃騎霍去
病出隴西至臯蘭應謂是山之關塞也又東逕白石
縣故城南又東逕白石山又東逕枹罕縣故城南又
東北出峽北流注於河地理志曰瀛水出白石縣西
塞外東至枹罕入河

鄜注元和志石門山在鳳林縣北二十八里瀛水西去縣二

百步袍罕故城即今河
州治白石故城在州西

又逕左南城

水經

十三州志曰石城西一百四十里有左南城

酈注左南城

今在西寧
衛東南

又東逕赤岸北

水經

即河夾岸也秦州記曰袍罕有河夾岸岸廣四十丈

義熙中乞佛於此河上作飛橋橋高五十丈三年乃

就

酈注河夾岸即今臨洮
府河州西北赤岸成是

又東洮水注之

經水

地理志曰水出塞外羌中沙州記曰洮水與墊江水俱出嶺臺山山南即墊江源山東則洮水源也嶺臺西傾之異名也洮水東北流吐谷渾中吐谷渾者始是東燕慕容之枝庶因氏其字以為首類之種號也洮水又東北流逕曹城北又東逕臨洮縣故城北又西北逕降狄道故城東有濫水馬援為隴西太守為狄道開渠引水種秔稻而郡中樂業即此水也濫水

又西北流逕注於洮水洮水右合二水右會大夏川
水水出西山二源合舍而亂又東逕大夏縣故城南
又東北出山注於洮水又北翼帶三水亂流北入河
地理志曰洮水北至枹罕東入河是也

酈注曹城即臨潭故城

在今洮州衛西南七十里元和志云城東北二面並枕洮水臨洮縣故城即今岷州衛治降狄道故城即今臨洮府西南狄道故城也元和志大夏縣西北至河州七十里大夏川水經縣南去縣十步近志云大夏河即瀕水謬也

又東過金城允吾縣北

水經

金城郡治也南有湟水出塞外東南流逕龍夷城故
西零之地也又東南逕卑禾羌海世謂之青海東去
西平二百五十里湟水東流逕湟中城北故小月氏
之地也又東逕臨羌縣故城北又東逕臨羌新縣故
城南又逕西平城北又東逕樂都城南東流又合來
谷乞斤流二水左會陽非流谿細谷三水東逕破羌
縣故城南又東與閭門河合即浩疊河也又東逕允
吾縣北又東逕允街縣故城南又東逕枝陽縣逆水

注之逆水又東逕枝陽縣故城南東南入於湟水地理志曰逆水允吾東至枝陽入湟河又東流注於金

城河即積石之黃河也

酈注金城漢縣即今蘭州西一百二十里有允吾故

城元和志湟水名湟河亦謂之樂都水出青海東北亂山中東南流至蘭州西南入黃河今蘭州本漢金城縣允街枝陽今皆在蘭州境

又東逕石城南

水經

謂之石城津關駟曰在金城西北矣又東南逕金城縣故城北十三州志曰大河在金城北門東流有梁

泉注之

鄜注

石城在今蘭州西
金城縣故城即今蘭州治

又東過榆中縣北

水經

昔蒙恬為秦北逐戎人開榆中之地地理志曰金城

郡之屬縣也

鄜注榆中在今蘭州東北

又東過天水北界

水經

苑川水出勇士縣之子城南山東北流歷此城川世

謂之子城川又北逕牧師苑故漢牧苑之地也有東

西二苑城相去七里西城即乞佛所都也又北入於

河也

酈注 今靖遠衛西有苑川城黃河自蘭州界東北流越亂山中二百餘里入衛界始瀉落巨

川如瀑布然土人沿山引水灌田甚廣衛西二百里有勇士縣故城

又北過武威媼圍縣東北

水經

河水逕其界東北流縣西南有泉源東逕其縣南又

東北入河

酈注 今寧夏中衛西南有溫圍水下流入黃河通鑑晉咸寧五年馬隆討涼州鮮

卑度溫圍水胡三省曰漢武威郡有媼圍縣此水或因以名媼訛溫也又莊浪所本漢武威郡地宋元嘉

十六年魏主燾議伐涼州李順等請自溫圍水以西至姑臧則此水當出媼圍縣界縣在河西莊浪之東

南中衛之西南也

又東北過天水勇士縣北

水經

地理志曰蒲福也屬國都尉治

蒲福當作滿福前漢地志勇士縣注云屬

國都尉治滿福

水出縣山世謂之二十八渡水東北流谿澗

縈曲遂出其中逕二十八渡行者勤於溯涉故因名

焉北逕其縣而下注河

酈注

又東北過安定北界麥田山河水東北流逕安定祖厲

縣故城西北

水經

漢武帝元鼎五年幸雍遂踰隴登空同西臨祖厲

祖厲

音嗟
賴

河而還即於此也又東北祖厲川水注之水出

祖厲南山北流逕祖厲縣而西北流注於河

祖厲故

城在今靖遠衛西南一百三十里

又東北逕麥田城西又北與麥田泉水合

水經

水出城西北西南流注於河

麥田城在今靖遠衛北

又東北逕麥田山西

水經

在安定西北六百四十里

酈注

又東北逕於黑城北又東北高平川水注之

水經

即若水也水出高平大壟山若水谷建武八年世祖
征隗囂漢從高平第一城若水谷入即是谷也東北
流逕高平縣故城東又北出秦長城又北逕廉城東

又北逕三水縣西南去安定郡三百四十里高平

川水又北入於河

酈注

元和志秦長城在高平縣北十里今平涼府莊浪縣西二十

里有若水川自靖寧州流入又北入鎮原縣界為
高平川高平故城在今平涼府固原州西二里

又東北逕昫卷縣故城西

水經

地理志曰河水別出為河溝東至富平北入河河水

於此有上河之名也。鄜注：昫卷音旬，箇故城在今寧夏中衛東，唐為靈州，鳴沙縣。

地

又北過北地富平縣西

水經

河側有兩山相對，水出其間，即上河峽，世謂之為青

山，河水歷峽北注，枝分東出。

鄜注：富平縣即今靈州，所北上河峽即寧夏

衛西南一百四十里峽口山是

又北逕富平縣故城西

水經

秦置北地都尉治縣城

鄜注：今靈州所西，南有富平縣故城。

又北薄骨律鎮城水

經

城在河渚上赫連果城也桑果餘林仍列洲上

麗注薄

骨鎮城在今蘭州所境唐朔方節度治所元和志靈
州理迴樂縣本漢富平縣縣枕黃河後魏刁雍為薄
骨律鎮將上表請開富平西三十里艾山舊渠通河
水溉公私田四萬餘頃人大獲其利又薄骨律渠在
縣南六十里溉田千餘頃靈武縣東南至靈州十八
里黃河自迴樂縣界流入漢渠在縣南五十里從漢
渠北流四十餘里始為千金大陂其左右又有胡渠
御史百家等八渠溉田五百餘頃按五代唐長興中
朔方帥張希崇亦引河渠興屯田以省漕運民夷愛
之今靈州所境田多沃饒恒無曠涸之患賴黃河之
灌漑也

又逕典農城東又逕北典農城東

水經二城皆上河
典農都尉馮參所治

也在今靈
州所界

又東北逕廉縣故城東

水經廉縣漢屬北地郡其
故城當在今靈州所西南

又北與枝津合

水經

水受大河東北逕富平城所在分裂以溉田圃北流

入河今無水

注酈

又東北逕渾懷鄣西

水經

地理志曰渾懷都尉治塞外者也太和初三齋平徙

歷下民居此遂有歷地之名矣

歷注元和志懷遠縣在靈州東北隔河

一百二十里廢靈武城在縣東北隔河一百里其城本蒙恬所築古謂之渾懷鄣

又東北歷石崖山西

水經

山石之上自然有文盡若戰馬之狀亦謂之畫石山

歷注石崖山在今平羅所東

又北過朔方臨戎縣西又北逕臨戎縣故城西

水經

河水東北逕三封縣故城東十三州志曰在臨戎縣

西一百三十里臨戎縣舊朔方郡治

歷注三封屬朔方郡其故城

在今榆林衛界廢夏州
西南長澤縣北二十里

又北有枝渠東出謂之銅口東逕沃野故城南水經

枝渠東注以灌田所謂智道在我矣

酈注沃野故城在天

德軍城北六十里即後魏六鎮從西第一鎮也
上表云臣鎮去沃野鎮八百里道多深沙輕車往來
猶以為難

又北屈為南河出焉又北迤西溢於窳渾縣故城東水經

西部都尉治有道自縣西北出雞鹿塞

酈注露三年董忠

送韓邪單于出雞鹿塞後漢永元初甯憲出雞
鹿塞伐匈奴是也窳渾縣故城今在廢夏州西北

又屈而東流為北河

水經

漢元朔二年衛青絕梓嶺梁北河杜佑曰河經靈武郡西南

使北流凡千餘里過九原郡乃東流漢人謂之西河自九原以東漢人謂之北河然北河之名秦已有之

史記惠文王後五年游北河昭襄王十八年又之上郡北河是也

東逕高闕南

水經

史記趙武靈王自代並陰山下至高闕為塞山下有長城長城之際連山刺天其山中斷兩岸雙闕善能雲氣望若闕焉節狀表目故有高闕之名自闕北出荒中闕口有城跨山結局謂之高闕戍上古迄今常

置重捍以防塞道漢元朔四年衛青將十萬人敗右

賢王於高闕即此處也又東逕臨河縣故城北

酈注高

闕在廢豐州城西黃河外劉昫曰高闕北距大磧口三百里臨河故城在今榆林衛西北

自臨河縣東逕陽山南

水經

漢書注陽山在河北指北山也南屈逕河目縣左北

假地名自高闕以東夾山帶河陽山以西皆北假也

史記秦使蒙恬將十萬人北擊胡度河所高闕據陽

山北假中是也北河又南合南河上承西河東逕臨

戎縣故城北又東逕臨河縣南又東逕廣牧縣故城

北流二百許里東流入河

麗注 臨河故城在今榆林衛西北陽山即陰山也

山在中國之極北故名陰山水北曰陽山在河水之北故亦謂之陽山徐廣云陰山在河南陽山在河北非也漢書侯應曰北邊塞至遼東外有陰山東西千餘里草木茂盛多禽獸本冒頓依阻其中治作弓矢求出為寇是其範圍也孝武出師征伐斥奪此地攘之於幕北建塞徽起亭隧築外城列屯戍以守之然後邊境得用少安計陰山綿亘千餘里直抵遼東非河南所能容蓋信徐說之謬括地志云五原郡河目縣故城在北假中北假在河北屬勝州銀城縣漢書王莽傳云五原北假膏壤殖穀臨戎縣見前廣牧縣故城在榆林衛地界

又東逕馬陰山西

水經

史記音義曰五原安陽縣北有馬陰山

酈注安陽縣在今山西

蔚州界

又東南逕朔方縣故城東北

水經

詩所謂城彼朔方也漢元朔二年大將軍衛青取河

南地為朔方郡使校尉蘇建築朔方城即此

酈注漢朔方

郡治元和志什賁故城在夏州朔方縣理北即朔方縣之故城自漢至今常為關中根植什賁之號蓋蕃

語也

自朔方東轉逕渠搜縣故城北

水經

地理志曰朔方有渠搜縣中部都尉治又逕西安陽

故城又東逕田辟城南

酈注廢夏州北

朔方中部都尉治在此非禹貢之渠搜

安陽故城在廢豐州東北漢志五原郡成宜縣下云中
中部都尉治原亭西部都尉治田辟
田辟蓋皆縣界之地名

又東逕成宜縣故城南

水經

廢豐州界有成宜縣故城

又東逕原亭城南

水經

十三州志曰中部都尉治

酈注

行水金鑑卷一

欽定四庫全書

行水金鑑卷二

江南按察使傅澤洪撰

河水

河水又東逕宜梁縣故城南

水經

五原西南六十里世謂之石崖城

酈注廢豐州東有宜梁縣故城

又東逕緬陽城南

水經

東部都尉治逕河陰縣故城北又東逕九原縣故城

南秦始皇置九原郡治此漢武帝元朔二年更名五

原也西北接對一城蓋五原縣之故城也

酈注
陽城即
舊

陽塞在舊陽縣西北後漢永元初竇憲出雞鹿塞鄧
鴻出舊陽塞即此城河陰漢屬五原郡元和志敬本
古城在中受降城北四十里鄭虔軍錄曰時人以張
仁愿河外築三城自古未有敬本城周一萬八百七
十二步壕塹深峻亦古之堅守賈耽古
今述曰以地理求之前代九原郡城也

又東過臨沃縣南又東枝津出焉又東流石門水南注

之水
經水

水出石門山地理志曰北出石門鄯即此山也自鄯

東南流逕臨沃城東東南注於河

酈注臨沃屬五原當在糴陽縣西

又東逕糴陽縣故城南

水經

地理志曰自縣北出石門鄣河水決其西南隅又東

南枝津注焉水上承大河於臨沃縣東流七十里北

溉田南北二十里注於河

酈注五原東部都尉治在榆林衛廢勝州西南漢

志糴陽縣北出石門鄣得光祿城太初三年光祿徐自為出五原塞築亭障西北至盧朐山謂之光祿塞

即此按中受降城本秦九原郡地唐置天德軍元和志云武川城在軍北三百里後魏六鎮從西第三鎮

也自北出石門障即光祿城古入匈奴大路

又東逕塞泉城南而東注又東過雲中楨陵縣南又東過沙南縣北從縣東屈南過沙陵縣西河水屈而流白渠水注之南入楨陵縣西北

水經

緣胡山歷沙南縣東北兩山二縣之間南出余以太和中為尚書郎從高祖北巡親所逕涉縣在山南北去雲中城一百二十里縣南六十許里有東西大山

山西枕河河水南流脈水尋經殊乖川去之次

麗注塞

泉城在今廢勝州界楨陵即廢東勝州也其故城在山西平虜衛西北河東岸沙南故城在西岸沙陵漢

屬雲中郡綠胡山在今平鹵衛西北黃河西來折而南流處榆林塞外唐為勝州地經文當云又南逕雲中槓陵縣西又南逕沙南縣東則與酈道元所見者符矣

又南過赤城東又南過定襄桐過縣西河水於二縣之

間濟有君子之名

水經

定襄郡漢高六年置桓帝十一年西幸榆中東行代地洛陽大賈齋金貲隨帝後行夜迷失道往投津長曰子封送之渡河賈人卒死津長埋之其子尋求父喪發冢舉尸資費一無所損其子悉以金子之津長

不受事聞於帝曰君子也即名其津為君子濟濟在

雲中城西南二百餘里

酈注今山西平
鹵衛西有君子濟

又東南左合一水

水經

水出契吳東山西逕故里南而北俗謂之契吳亭其

水又西流注於河

酈注

又南樹頽水注之

水經

水出東山西南流逕沃陽縣左合中陵川亂流西南

與一水合北俗謂之樹頽水

酈注沃陽漢雁門西
部都尉治在今平鹵衛

東南

又南太羅水注之

水經

水源上承樹頽河南流西轉逕武州縣故城南十三州

志曰武州縣在善無城西南百五十里北俗謂之太羅

城水亦籍稱焉又西南流注於河

鄴注武縣故城在今繁峙縣界

又左得湍水口

水經

水出西河郡美稷縣東南流羌人因水以氏之漢冲
帝時羌湍狐奴歸化蓋其渠帥也又西流歷於呂梁

之山而為呂梁洪其巖層岫行澗曲崖深巨石崇竦
壁立千仞河流激盪濤湧波襄雷濟雲洩震天動地
昔呂梁未闢河出孟門之上蓋大禹所闢以通河也
司馬彪曰呂梁在離石縣西今於縣西歷山尋河乃
無過岨至是乃為河之巨嶮即呂梁矣在離石北以
東可二百餘里

酈注平鹵衛西有呂梁山南水口
當在今太原府河曲縣西北天橋峽

也

又南過西河固陽縣東

水經

西河郡漢武帝元朔四年置固水出上郡白土縣固

谷東逕其縣南又東逕固陰縣北東桑谷水注之固

水又東逕固陰南東流注於河

酈注今米脂縣西北有固陰故城固陽

當在其東北固音銀史記晉文公據戎翟居於固洛之間即此水

又東端水入焉

水經

水西出號山山海經曰其山木多漆稜其草多芎藭

是多冷石端水出焉而東流注於河

酈注

又南諸次之水入焉

水經

水出上郡諸次山山海經曰諸次之山諸次水出是
山多木無草鳥獸莫居是多衆蛇其水東逕榆林塞
世又謂之榆林山即漢書所謂榆谿舊塞者也自谿
西去悉榆林之數矣

酈注 上郡即今陝西延安府
綏德州榆林塞在廢勝州南界

又南湯水注之

水經

山海經曰水出上申之山上無草木而多礫石下多

榛櫟湯水出焉東流注於河

酈注

又南逕離石縣西奢延水注之

水經

水西出奢延縣西南赤沙阜東北流又東黑水入焉
又東走馬水注之水出西南長城北橋山昔二世賜
蒙恬死於此山上有黃帝冢帝崩唯弓劍存焉故世
稱黃帝仙矣其水東流昔段熲追羌出橋門至走馬
水間羌在奢延澤即此處也門即橋山之長城門也
其水東北流入長城又東北注奢延水又東入於河

鄜注 離石縣今永寧州
奢延故城在廢夏州西南

又南陵水注之

水經

水出陵川北谿南逕其川西轉入河

酈注

又南得離石水口

水經

離石北山南流逕離石縣故城西又南出西轉逕隰

城縣故城南西流注於河

酈注 隰城縣故城在今孝義縣界

又南過中陽縣西

水經

中陽縣故城在東東翼汾水隔越重山不瀆於河也

酈注

中陽縣即今孝義縣界

又過土軍縣西

水經

吐京郡治故城即土軍縣之故城也胡漢譯言皆譌

偽變矣

鄜注今汾州府石樓縣有土軍縣故城

又南合契水

水經

傍谿東入窮谷其源也

鄜注

又南得大蛇水

水經

發源谿首西流入河

鄜注

又南右納辱水

水經

山海經曰辱水出於鳥山其上多桑其下多楮陰多

鐵陽多玉其水東流注於河俗謂之秀延水

酈注

又南過上郡高奴縣東

水經

縣有洧水肥可難水上有肥可接取用之

酈注 今延安府膚

施縣北百里有金明城即漢高奴縣也

又南蒲川石樓山南逕蒲城東

水經

即重耳所奔之處也又南歷蒲子縣故城西今大魏

之汾州治徐廣晉紀稱劉淵自離石南移蒲子者也

關駟曰蒲城在西北漢武帝置

酈注 蒲子縣故城在今隰州

又南過河東北屈縣西

水經

河水南逕北屈縣故城西十里有風山上有穴如輪
風氣蕭瑟習常不止山西四十里河南孟門山淮南
子曰龍門未闢呂梁未鑿河出孟門之上大溢逆流
無有丘陵高阜滅之名曰洪水大禹䟽通謂之孟門
孟門即龍門之上口也實謂黃河之巨阨此石經始
禹鑿河中漱廣夾岸崇深傾崖返捍巨石臨危若墜
復倚古之人有言水非石鑿而能入石信哉其中水

流交衝素氣雲浮往來遙觀者常若霧露沾人窺
深悸魂其水崩浪萬尋縣流千丈渾洪鼎怒鼓若山
騰濬波頽疊迄於下口方知慎子下龍門流浮竹非
駟馬之追也又有燕完水注之異源合舍西流注河

酈注

今吉州北二

十里有北屈故縣

又南得鯉魚

經水

歷澗東入窮溪首便其源也爾雅曰鱣鮪也出鰲穴
三月則上渡龍門得渡為龍矣否則點額而還非夫

往還之會何能使有茲稱乎

酈注

又南羊求水入焉

水經

東出羊求川西逕北屈縣故城南城即夷吾所奔邑

也

酈注

又南為採桑津

水經

春秋僖公八年晉里克敗狄於採桑是也

酈注

又南過皮氏縣西

水經

赤水出西北罷谷川東謂之赤石川東入於河

酈注

平陽府河津縣
西有皮氏故城

又南合蒲水

經水

西則兩源並發俱導一山出西河陰山縣又東北與

北溪會同為一川東北注河

酈注陰山縣
今平陽府界

又南逕丹水西南

經水

丹陽山東北逕治東俗謂之丹陽城城之左右猶有

遺銅矣其水東北會白水口水出丹山東而西北注

之丹水又東東北入河

酈注

又南黑水注之

經水

西出丹山東而東北入於河

酈注

又南至崕谷傍

經水

東北窮澗水源所導也西南流注於河

酈注

又南洛水自獵山枝分東派東南注於河

經水

昔魏文侯築館洛陰指謂是水也皮氏縣故城在龍

門東南不得延邈皮氏方屈龍門也

酈注

以今輿地言之河自大積石山東北流逕陝西西寧

衛西南塞外至河州西七十里入塞

衛在行都司東南七百餘里黃

河西自塞外流入經衛之東南與和州分水州在臨洮府西一百八十里西至生番界七十里有小積石

山兩崖如削河流其中西南去大積石山千餘里

又東北逕州北合灑水又

東北合洮水

二水已見上文

又東北逕蘭州西南湟水合浩

疊水自西來注之

州在臨洮府北二百里閼駟所謂金城河也湟水

自州西一百八十里入河唐書吐蕃傳湟水出蒙谷抵龍泉與河合河之上流由洪濟梁西南行二千里

世舉謂西戎地曰河湟

又東北逕州北

夾河有灘宜播五穀引河灌溉甚為民利又

東北逕金縣北

縣在蘭州東九十里黃河去縣六十里

又東北逕靖遠

衛北

舊名靖虜屬陝西都司本漢鷓陰縣地後漢建初中趙冲追擊叛羌於鷓陰河即此衛北有章

精山黃河自金縣亂山中來至衛西南百里烏蘭關漢祖厲縣地也唐置烏蘭縣屬會州有黃河堰刺史

安敬宗所築

又東北逕寧夏中衛南

衛屬陝西都司黃河去衛十五

里地勢稍平河流益盛衛東南一百五十里有鳴沙城西枕黃河人馬行經此沙隨路有聲故號鳴沙

又東北逕靈州所北

所在寧夏衛南少西九十里本漢靈州富平二縣地舊志云黃

河千里一曲自澆河至故昫卷縣率東折而北逕寧北流至富平始曲而北流亦謂之河曲折而北逕寧

夏衛東南

衛屬陝西都司宋為懷遠鎮乾興二年李德明城北為興州以居景祐中元昊升為

興慶府衛西至賀蘭山邊界六十里北至鎮遠關邊界二百里東至榆林衛界三百五十里黃河去衛四

十里元和志保靜縣西南至靈州六十里本漢富平縣地賀蘭山在縣西五十三里東望雲山形勢相接迤邐向北經靈武縣又西北逕保靜縣西又北經懷遠縣西又北逕定遠城西又東北抵河其抵河之處亦名乞伏山在黃河西從首至尾有像月形南北約長五百餘里真邊城之巨防山之東河之西有平田數千頃可引水灌溉如盡收地利足以贍給軍儲也顧景范云自寧夏以上民多穿渠溉田而寧夏之利尤博蓋上流勢少緩無溢決之患且泥沙未甚故引河為宜也又北逕平羅所東舊名

平虜在寧夏衛東北一百二十里河去所十五里賀蘭山在所西六十里鎮遠關在所北六十里又

北逕榆林衛西出塞逕廢豐州西

衛本漢上郡龜茲縣地金元為米脂

縣地名榆林莊明正統二年築榆林城天順七年置榆林衛治焉北至邊牆十里其外皆戰國時雲中九

原地也黃河自靈州所橫城堡西折而北遼寧夏平
羅入衛界廢豐州城在衛西北塞外七百里本漢朔
方郡之廣牧縣後魏為懷朔鎮隋始置豐州治九原
縣明初廢杜佑曰豐州西至黃河百三十里北至黃
河四十里東北至黃河八十里折而東遼三受降城南
平朔方總管張仁愿置先是朔方軍北與突厥以河
為界河北岸有拂雲堆神祠突厥將入寇必先詣祠
祭酹求福因牧馬料兵而後渡河時突厥默啜盡衆
西擊突騎施婆葛仁愿奏請乘虛奪取漠南之地於
河北築三受降城首尾相應絕其南寇之路從之六
旬而三城俱就以拂雲祠為中城與東西兩城相去
各四百餘里遙相應接北拓三百餘里於牛頭牟那
山北置烽戍一千八百所自是突厥不得度山放牧
朔方無復寇掠減鎮兵數萬人顧景范云中城在廢
夏州北八百里西城在廢豐州北八十里東城在廢

勝州東北二百里今按東城本漢定襄郡之盛樂縣後魏嘗都此唐置振武軍元和六年以韓重華為振武營田和糴水陸運使重華請募人為十五屯屯置百三十人而種百頃令各就高為堡東起振武轉而西過雲中界極於中受降城出入河山之際六百餘里屯堡相望寇來不能為暴人得肆耕其中少可以罷漕輓之費朝廷從其議秋果倍收歲省度支錢千三百萬見韓愈送重華歸所治序折而南

逕廢勝州東入塞其東岸則平鹵衛

廢勝州城在榆林衛東北四百

五十里本漢雲中五原二郡地隋置勝州治榆林縣元和志云北近榆林即漢之榆林塞雲中故城在縣東北四十里東受降城在縣東北八里榆林關在縣東三十里東北臨河自夏州朔方縣流入又經河濱縣東十五步闊一里不通船楫即河濱關渡處名君子津杜佑曰勝州東至黃河四十里北至黃河五里

西北至黃河二十里平鹵衛在山西大同府西少南
二百四十里明置本漢雁門郡之武州縣隋唐以後
為朔州地元和志黃河在朔州鄯陽縣西三百里遼
自河西移置勝州於此曰東勝州其故城在今衛西
北元志云唐徙東受降城於綏遠烽南即今州治也
明洪武初改建左右二衛兵民皆耕牧河套中寇益
稀少二十六年成東勝永樂初移就延綏其地遂墟
今按自廢豐州西至廢勝州東黃河三面圍繞之地
周數千里謂之河套周曰朔方秦曰新秦漢為朔方
郡地隋唐為豐勝二州地明為榆林衛北境自國初
舍受降而衛東勝已失二面之險其後又撤東勝以
就延綏則外險盡失寇來莫禦天順六年元孽摩羅
歡阿拉善博囉齊三部始入居河套屢為邊患隆慶
中濟納以諂達內附亦來款塞因而羈縻之本朝
屬理藩院榆林新志曰河套之地南抵邊牆北濱黃
河遠者八九百里六七百里近者亦一二百里唯黃

南川之南焦家坪及娘娘灘羊圈渡口為最近云又南逕府谷縣東其東岸

則河曲縣保德州

府谷在陝西葭州東少北三百四十里黃河南流逕黃甫川東九里

入縣界又南逕縣東去縣百步河曲在山西太原府西北五百二十八里黃河在縣西北府志云自縣東北故東勝州境轉而西南流八十里至縣西北平泉村復轉西流九十里至天橋峽又南流入保德州界偏頭關在縣東北一百十里東接鴉角山西逼黃河其地東仰西伏因名偏頭保德在府西北五百里黃河在州西迤西逕神木縣南又南逕葭州東其東岸北一里

則興縣

神木在葭州東北一百二十里黃河去縣十里葭州在延安府東北五百八十里黃河

去州一里興縣在太原府岢嵐州西一百五十里黃河在縣西五十里元和志嵐州合河縣黃河在縣西

二里按今興縣西北五十里有合河故城舊志云山西自河曲至蒲津千五百里俱鄰陝西河最狹而於神木渡河為尤易 又南逕吳堡縣東又南逕綏德州東其東

岸則臨縣永寧州寧鄉縣

吳堡在葭州南八十里黃河去縣一里綏德在延安

府東北三百六十里黃河去州一百二十里無定河在州城東即古奢延水以潰沙急流深淺不定故名臨縣在山西汾州府西北三百里黃河在縣西八十里永寧州在府西北一百二十里寧鄉在州西南五十里黃河並在其西元和志石州平夷縣黃河西去縣一百四十五里定胡縣黃河去縣西二百步按平夷故城即今寧鄉縣治定胡當在永寧州界永寧本石州明隆慶三年更名 又南逕清澗

縣東又南逕延川縣東又南逕延長縣東其東岸則

石樓縣永和縣大寧縣

清澗在延安府東北二百三十里黃河去縣百里延川

在府東北二百里黃河去縣四十五里延長在府東少南百五十里黃河去縣三十五里元和志延州延

水縣黃河在縣東八里門山縣黃河在縣東三十五里按延水故城在今府東北一百十里門山故城在

府東南一百八十里石樓在汾州府西少南二百六十里黃河在縣西九十里永和在山西平陽府隰州

西九十里黃河在縣西六十里大寧在州西南九十五里黃河在縣西六十八里孟門山在縣西南八十

里與吉又南逕宜川縣東其東岸則吉州鄉寧縣宜州分山

在延安府東南二百八十里黃河去縣八十里元和志丹州汾川縣西南至州七十里黃河在縣北七里

河岸頓狹狀似槽形鄉人呼為石槽蓋禹治水鑿石導河之處石槽長千步闊三十步懸水奔流龜鼉魚

龍所不能游汾川故城在今宜川縣東七十里孟門山在縣東南二十里黃河西岸山勢綿延與吉州孟門山參差相接即文成故縣西南三十六里河中之石槽山也吉州在平陽府西二百四十里黃河在州西六十里壺口山在州西南七十里鄉寧又南至韓在州東南六十里黃河在縣西七十九里

城縣東北龍門山在焉其東岸則河津縣韓城在西安府同州

東北二百里黃河去縣十五里龍門山在縣北五十里河津在平陽府蒲州東北二百里黃河在縣西元和志云去縣二十五里即龍門口三秦記曰河津一名龍門水陸不通魚鼈之屬莫能上江海大魚集龍門下數千不得上上則此導河積石至於龍門之所為龍故曰曝鰓龍門

經也禹貢錐指遼史龍門山石壁對峙高數百尺望之若門徼外諸河及沙漠潦水皆於此趨海

雨則俄頃水踰千仞晴則清淺可涉寰宇記龍門山北有河口畧似龍門而不能通相傳鯨所鑿績用

弗成今名

錯開河

南至華陰

禹貢

河自龍門南流至華山北而東行

孔氏傳

河自積石東北流至龍門則折而南流至於華陰則

折而東流龍門之南華陰之南北即所謂龍門西河

是也華陰者華山之北北山跨梁豫二州之間其北

抵西河南則曰華陰也而說者乃謂河之折而東流

其兩河之旁有二華故張平子西京賦曰綴以二華
巨靈廟顛高堂遠蹠以流河曲厥迹猶存其意蓋謂
河流至於此華山橫其前巨靈擘石分為二華使河
流出於其間此蓋好事者為之也據經但言南至於
華陰則是河之所經惟在華山之北而已安得出於
二華之間乎巨靈之說怪妄甚矣孔子之所不語者
為此也夫

尚書
全解

易氏曰河至龍門縣又南流二百里至陝州陝州之

西北對河為華州華陰縣本漢舊縣屬京兆尹太華

山在縣南八里河經太華之北故曰華陰地接潼關

故桃林塞河在關內衝激關山故名潼關

王天與尚書纂傳

龍門縣今之河津也北三十里有瓜谷山堰貞觀十

年築東南二十里有十石壩渠二十三年縣令長

孫恕鑿溉田良沃畝收十石西二十一里有馬鞍塢

渠亦恕所鑿有龍門倉開元二年置所以貯渠田入

轉般至京以省關東之漕者也此即漢時河東太守

番係之策史記河渠書所謂河移徙渠不利田者不能墮種而唐人當日行之竟獲利是以知天下無難舉之功存乎其人而已謂後人之事必不能過前人

不亦誣乎

顧炎武
日知錄

河水

自皮氏
縣西

又南出龍門口汾水從東來注之

水經

昔者大禹導河積石疏決梁山謂斯處也即經所謂龍門矣魏土地記曰梁山北有龍門山大禹所鑿通孟津河口廣八十步巖際鐫迹遺功尚存

酈注
水篇汾水

出太原汾陽縣北管涔山東南過晉陽縣東晉水從縣東南流注之又南洞渦水從東來注之又南過大陵縣東又南過平陶縣東大水從西來流注之又南過冠爵津又南入河東界又南過永安縣西又南過楊縣東西南過高粱邑西又南過平陽縣東又南過臨汾縣東又屈從縣南西流又西過長修縣南又西過皮氏縣南又西至汾陰縣北西注於河

又南右合暘谷水又南逕梁山原東

水經

水自谿東南流逕夏陽縣西北東南注於河又南自原山東南出至河晉之望也在馮翊夏陽縣之西北臨於河上山崩壅河三日不流晉侯以此問伯宗即

是處也春秋穀梁傳曰成公五年梁山崩遏河水三日不流召伯尊遇輦者不避使車右鞭之輦者曰所以鞭我者其取道遠矣伯尊因問之輦者曰君親縞素率羣臣哭之斯流矣如其言而河流

鄆注夏陽縣即今韓城

縣地

又南岨谷水注之

水經

水出梁山東南注於河昔韓信之襲魏王豹也以木

罌自此渡

鄆注

又南右合陶渠水

經水

水出西北梁山東南流又南逕高門南又東南逕華池南池在夏陽城西北四里許高門東去華池三里又東南逕司馬子長墓太史公自叙曰遷生於龍門是其墳墟所在矣昔魏文侯與吳起浮河而下美河

山之固即於此也

注酈

又西徐水注之

經水

水出西北梁山東南流逕子夏陵北東入河

注酈

又南逕子夏石室

水經

東南北有二石室臨側河崖即子夏廟室也

酈注
今西安

府郃陽縣東

有子夏石室

又南過汾陰縣西

水經

河水東際汾陰魏土地記曰河東郡北八十里有汾

陰城北去汾水三里城西北隅曰睢丘上有后土祠

封禪書曰元鼎四年始立后土祠於汾陰睢丘是也

又有萬歲宮神爵元年幸萬歲宮東濟大河而神魚

舞水矣昔趙簡子沈欒激於此曰吾好聲色而是子致之吾好士六年不進一人是過而點吾善君子以

為能謹矣

酈注 今平陽府蒙河縣北有汾陰故城

又逕郃陽城東

水經

故有莘邑為太姒之國詩云在郃之陽城北有北漢水城南又有漢水東流東注於河者即郃水也又南漢水入馬水出汾陰縣南四十里西去河三里平地開源瀆泉上湧大幾如輪深則不測俗呼之為漢魁

古人壅其流以為陂水種稻與郃陽漢水夾河中渚

上又有一漢水皆相潛通爾雅異出同流為漢水其

水西南流歷蒲坂西流注於河

酈注今西安府郃陽縣東四十里有郃

陽故城

又南逕陶城西

水經

舜陶河濱皇甫士安以為定陶也然陶城在蒲坂城北城即舜所都南去歷山不遠或耕或陶所在則可何必定陶方得為陶也孟津有陶河之稱蓋從此始

之南對蒲津關

鄜注 元和志陶城在臨晉縣北四十里即今平陽府之臨晉縣也

又南過蒲阪縣西

水經

地理志縣故蒲也秦始皇東巡見有長阪故加阪也

皇甫謐曰舜所都也

鄜注 今蒲州東南有蒲阪故城

又南逕雷首山西

水經

山臨大河北去蒲阪三十里尚書所謂壺口雷首者

俗亦謂之堯山山上有故城又曰堯城閭駟曰蒲阪

堯都事有似而非非而似千載眇藐非所詳耳

鄜注

又南涑水注之

水經

水出河北縣雷首山縣北與蒲阪分山有夷齊廟山
南有古冢陵柏蔚然攢茂丘阜俗謂之夷齊墓其水
亦曰雷水也西南流涑水又西南流注於河春秋左

傳謂之涑川者也

酈注涑水篇涑水出河東閭喜縣東山黍葭谷又西過周陽邑南

又西南過其縣南又西南過安邑縣西又南過解縣
東又西南注於張陽池注云涑水又西南逕張陽城
東又西南屬於陂陂分為二東陂世謂之晉
興澤西陂即張澤也西北去蒲阪一十五里

又南至華陰潼關渭水從西來注之歷船司空與渭水

會水經

漢書地理志曰舊京兆郡之屬縣也左丘明國語云
華岳本一山當河河水過而曲行河神巨靈手盪脚
踏開而為兩今掌足之跡仍存華巖河在關內南流
潼激關山因謂之潼關灌水注之水出松果之上北
流逕通谷世亦謂之通谷水東北注於河述征記所
謂潼谷水者也酈注元和志云關西一里有潼水因以名關渭水篇渭水出隴西首陽
縣渭谷亭南鳥鼠山又北過襄武縣北又東過獮道縣南又東過冀縣北又東過上邽縣又東過陳倉縣

西又東逕武功縣北又東芒水從南來流注之渭水
又東過槐里縣南又東澇水從南來注之渭水又東
北逕黃山宮南就水注之渭水又東合田谿水渭水
又東逕槐里縣故城南又東合甘水又東豐水從南
來注之渭水又東北與鎬水合渭水又東北逕渭城
南而沉水注之又東北過長安縣北渭水又東與沉水
枝津合渭水又逕長安城北又東過鄭縣北又東過
華陰縣北又東過霸陵縣北霸水從縣西北流注之
東入於河注云春秋之渭汭也水會即船司空所在
矣地理志渭水東至船司空入河今華陰縣東北五
十里有船
司空故城

黃河自鹽澤西來暨達潼關其面勢所向凡四大折
或與北狄分境或當北狄來路其初一折由積石而

逕湟中則鄯蘭也是一折也及至靈州西南遂轉北而行凡千餘里比河西岸即為涼肅甘沙四郡是又一折也迨其北流千里而遙至九原豐州則又轉而東流故豐州北面正柱大河是又一折也豐州之東為榆林北境固抵大河而河從此州之東又轉而南故勝州北東兩面皆抵大河也自此而往直至潼關皆是河南矣此又一折也

程大昌北邊備對

以今輿地言之河自韓城縣龍門山南流與汾水合

縣志云河自龍門而南距郃陽
不百里河壩多容土遇潦輒潰
又南逕郃陽縣東其

東岸則蒙河縣臨晉縣

郃陽在陝西同州東北一百
十里黃河去縣四十里蒙河

在山西蒲州東北一百二十里黃河舊在縣西五里
明時漸徙而東正德二年遂至城下今去縣僅七十
步臨晉在州東北七十里又南逕朝邑縣東又南至華
里黃河在縣西三十里

陰縣東北與渭水合其東岸則蒲州

朝邑在同州東
三十里黃河去

縣二十八里有臨晉關華陰在華州東七十里黃河
去縣九十里蒲州在平陽府西南四百五十里黃河
舊在州西蒲津門外明萬曆八年河決東齧城闌甃
石岸以障之今漸徙而西去城十餘里有蒲津關與
臨晉關夾河相對又南逕雷首山西至潼關衛北
衛在陝西
都司東明

析華陰地置西至華陰縣界一里黃河在衛北一里
潼關故城在衛東南四里左傳所謂桃林之塞元和
志云自靈寶縣以折而東是為河曲春秋文公十二年秦晉戰於河
曲即此河水南至華陰之所經雍州文所稱龍門西
此地

河者也

禹貢
錐指



行水金鑑卷二

欽定四庫全書

史部

行水金鑑卷四

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官庶吉士臣吳裕德

謄錄監生臣湯師錫

欽定四庫全書

行水金鑑卷三

江南按察使傅澤洪撰

河水

東至於底柱

禹貢史記作砥按底

底柱山名在西虢之界

北氏傳西虢今河南府之
陝州底柱在州東四十里黃

中河

河自南行至華陰自華陰東行至底柱則東字連華

陰而言

禹貢集解

河水

自華陰潼關

又東北玉澗水注之

水經

河水自潼關東北流水側有黃卷阪傍絕澗涉北阪以升潼關所謂汴黃卷以濟潼關矣歷北出東嶺通謂之函谷關關之直北隔河有層阜巍然獨秀孤峙

河陽世謂之風陵戴延之所謂風埵者也

九域志云女媧墓在

今潼關口河灘上屹然介河有木數株雖暴漲不漂沒也窠字記云河東縣三里風陵是女媧之墓

南

則河濱玉澗水南出玉溪北流逕皇天原西有漢武

帝思子臺又北逕閭鄉城西北流注於河

酈注函谷關在今

河南靈寶縣南十一里黃卷潘岳西征賦作黃卷

又東逕閭鄉城南東與全鳩澗水合

水經

水出南山北逕皇天原東述征記曰全節地名

圖經云全

節即漢書全鳩里底太子死處其西名桃原古之桃林晉太康地記

曰桃林在閭鄉南谷中其水入河北注於河河北蓋

謂河北縣也

酈注全節在今河南南陽府閭鄉縣東十里鳩澗西

又東過河北縣南

水經

縣與湖縣分河蓼水出襄山蓼谷西南流於河

鄜注河

北今山西平陽府芮城縣湖縣今河南南陽府閩鄉縣

又東永樂澗水注之

經水

水北出薄山南流逕河北縣故城西又南入於河封

禪書稱華山以西名山七薄山其一焉

鄜注今芮城縣北有河

北故城薄山在今縣北一十五里

河水自河北城南東逕芮城

經水

二城之中有段干木冢魏文侯過其門式其廬所謂

德尊萬古芳越來今矣

酈注

又會槃澗

水經

水出湖縣夸父山北逕漢武帝思子宮歸來望子臺

東又北流入於河

酈注

湖縣故城在今閿鄉縣東四十里

又東逕湖縣故城北

水經

湖水出桃林塞之夸父山廣員三百仞武王伐紂天下既定王及岳濱放馬華陽散牛桃林即此處也山海經曰夸父之山其北有林焉名曰桃林其中多馬

湖水出焉北流注於河

酈注

又東合柏谷水

經水

水出弘農縣兩石堤山北流入於河

酈注

又東右合門水

經水

門水即洛水之枝流也東北歷陽華山山海經所謂

陽華之山門水出焉者也又北逕弘農縣故城東城

即故函谷關校尉舊治終軍棄繻於此又東得七里

澗澗在陝縣七里故名又東合譙水二源雙導同注

於壑而西北流注於河

酈注 元和志曹陽墟俗名七里澗在陝縣西南七里黃

河自靈寶界流入後漢獻帝歸至陝議者欲天子浮河東下太尉楊彪曰從此以東有三十六灘非萬乘所當從也乃止

又東過陝縣北又西逕陝縣故城南

水經

河北對茅城津河南即陝城昔周召分伯以此城為東西之別戴延之云城南倚山原北臨黃河縣水百餘仞臨之者咸悚惕焉西北帶河水湧起方數十丈斯水之所以濤波者蓋史記所云魏文侯二十六年

號山崩壅河所致耳

鄜注今陝州治即陝縣故城古焦國也茅津亦謂之大陽津

與號山俱在

州西北三里

又東過大陽縣南又東逕大陽縣故城南

水經

地理志曰北號也應劭記城南大河之陽也

鄜注今平陸

縣東北有大陽縣故城

又東沙澗水注之

水經

北出虞山東南逕傳巖孔安國傳傳說隱於虞號之

間即此處巖東北十餘里即巔軫坂春秋左傳所謂

入自巔軫者也有東西絕澗左右幽空窮深地壑中
則築以成道指南北之路謂之為軫橋也傳說傭隱
止息於此高宗求夢得之是矣又東南左右合積石
土柱二溪並北發大陽之山南流入於河是山也亦
通謂之為薄山矣

酈注

又東過砥柱間

水經

砥柱山名也山在號城東北太陽城東也

酈注元和志

山俗名三門山在硤石縣東北
五十里黃河中硤石本硤縣地

河之右則嶠水注之

水經

出河南盤嶠山歷澗水東北流與石嶠水合水出石嶠山山有二陵南陵夏后臯之墓也北陵文王所避

風雨矣又北左右合西水亂流注於河

鄴注

又東千嶠之水注焉

水經

水南導於千嶠之山北流注於河河水翼岸夾山巍峰岐舉羣山疊秀重嶺干霄康成按地說河水東流貫砥柱觸閼流今世所謂砥柱者蓋乃閼流也砥柱

當在西河未詳也余按鄭說非是西河當無山以礙
之自砥柱以下五戶以上其間一百二十里河水疎
石桀出勢連襄陸蓋亦禹鑿以通河疑此關流也其
山雖關尚梗湍流激石雲洄濑波怒溢合有一十九
灘水流迅急勢同三峽破害舟船自古所患五戶灘
名也酈注嶠在今河南府永寧縣北六十里元和
志自東嶠至西嶠長三十五里在秦關之東漢
關之西嶠與穀同今河南府陝州東一百六十里有
五戶灘在河中為湍激之處自此而東河流稍為寬
衍

河自西華陰遂折而東流以至底柱亦謂之三門山
山在虢城東北大陽城東也按道元謂底柱是禹之
所鑿其說是也至謂破山以通河此則過論河之至
底柱蓋舊有可通之道禹嫌其狹於是䟽而廣之故
有三門非是先鑿底柱山以為三門然後導河而過
之也漢鴻嘉中楊馬山言底柱狹隘可鑄廣之夫禹
之治水未嘗不為萬世之慮使底柱尚有可鑄之理
則禹鑄之矣禹所不能鑄而禹欲鑄之何其不思之

甚也蓋河自龍門至於華陰東折以及底柱夾於兩山之間其勢最為狹隘故古語云龍門之下河流駛於竹箭惟其為高山所束其勢不得盤還則其漂悍湍激覆溺舟船是乃萬世之患也豈人力之所能勝哉道元謂水流峻急勢同三峽破壞舟船自古所患此說是也頃歲建劍大興役功鑿治衆灘其費不貲某嘗詢於舟人云灘患不減於昔日以是知天地山川之險蓋有出於勢之自然者未易以人力爭也底

柱舟船之患雖禹無如之何而況於楊馬輩乎

尚書全解

河不能決於底柱之上者河由兩山中行也出底柱則平原廣野又并受關東諸山之水水流益多水勢益大地形益卑水勢益急虞夏以前皆都在底柱之上商初都亳亦在諸山中書所謂適於山降凶德是也以後就水利反受其害以故殷數遷都至周之衰井田漸廢侯國爭水利者築堤以包沃饒之利避水患者亦築堤以鄰國為壑隄日多水日束日失其性

而致怒決溢之害不小然決而南奪淮而行害郡邑

為少決而北則無復九河故道原野被害遠矣

鄭曉古言

以今輿地言之河自潼關衛北折而東逕閿鄉縣北

又東逕靈寶縣北其北岸則為城縣

閿鄉在河南陝州西北一百

三十里黃河南去縣七里靈寶在州西六十里黃河
南去縣十里為城在山西解州西南七十里黃河在
縣南二十里為伯萬之故壘也蓋為

城與閿鄉分河二縣俱在河之北岸

又東逕陝州北

其北岸則平陸縣又東過底柱

陝州在河南府西三百里平陸在解州東

南九十里底柱山在黃河中西去陝州四十里西北
去平陸五十里唐趙冬曦三門賦序曰底柱之六峰

者皆生河之中流蓋夏后之所開鑿其最北有兩柱相對距崖而立即所謂三門也次於其南有孤峰揭起峰頂平闊夏禹之廟在焉西有孤石數丈圓如削成復次其南有三峰東曰金門中曰三堆西曰天柱河水從黃老神前東流湍激蹙於蝦石折流而南激於三門苞於廟山乃分為四流淙於三峰之下抵於曲隈會流東注加以兩崖夾水盤紆激射天下罕比都穆曰底柱在陝州東五十里黃河之中循河至三門集津三門者中曰神門南曰鬼門北曰人門水行其間聲激如雷而鬼門尤為險惡舟筏一入鮮有得脫三門之廣約二十丈其東百五十步即底柱山崇約三丈周數丈蔡氏書傳以三門為底柱州志亦謂底柱即三門山皆未嘗親履其地故謬誤若此按此說與趙賦小異要之諸峰在當時總為一巨石禹析之以通河三門亦底柱也後人強生分別耳此河水東至底柱之所經也

禹貢
雖指

又東至於孟津

禹貢

孟津在洛北都道所湊古今以為津

孔氏傳今河南懷慶府孟縣

西南三十里即孟津非河南府之孟津縣也

孟地名津是渡處在洛陽城北

孔氏疏

林少穎云河自華陰至於砥柱夾兩山之間其流皆湍悍至於孟津然後其勢稍緩可以橫舟而渡也渭按大陽縣南有茅津秦穆公封殽尸自此濟河不待

至河陽始可渡林說非是大河津濟處甚多唯孟津

以都道所湊四通五達之衢故其名古今特著

禹貢
錐指

河水

自底柱山
東五戶灘

又東過平陰縣北又東至鄧清水從西

北來注之

水經
今孟津
縣有平陰故城

清水出清廉山之西嶺東南流逕垣縣故城北又東

南逕陽壺城東即垣縣之壺丘亭又東南流注於河

酈注

今垣曲縣西
四十里有垣縣故城

又東與教水合

水經

出垣縣北教山南逕平山其水南流歷鼓鐘上峽懸
洪五丈飛流注壑夾岸深高壁立直上經崖秀舉百
有餘丈峰次青松巖懸潁石於中歷落有翠柏生焉
丹青綺分望若圖繡矣山海經曰教山教水出焉又
南流注於河是水冬乾夏流實唯乾河也今世人猶

謂之乾澗矣

注 鄜

又與畛水合

水經

水出新安縣青要山北流入於河

注 鄜

又東合庸庸之水

水經

水出河南垣縣宜蘇山北流分為二水一水北入河

一水又東北流注於河

水經

又東逕平陰縣北

水經

地理風俗記曰河南平陰縣故晉陰地陰戎之所居

又曰在平城之南故曰平陰三老董公說高祖處魏

文帝改曰河陰

水經

西會潞水

水經

水出垣縣王屋西山濬谿歷軹關南逕苗亭西亭東

流注於河

酈注今濟源縣西有濬水

又東過平陰縣北湛水從北來注之

水經湛水篇云湛水出河內軹縣

西北山東南流當平陰縣之東北南入於河今濟源縣西南有湛水

又東逕河陽縣故城南

水經

春秋經書天王狩於河陽

酈注今懷慶府孟縣西南三十里有河陽故城相

傳潘安仁種花滿縣

今其地皆斥鹵矣

又逕臨平亭北

水經

帝王世紀曰光武葬臨平亭南西望平陰者也

廊注後

漢明帝紀原陵注云臨平亭南去洛陽十五里

又東逕洛陽縣北

水經

河之南岸有一碑北面題云洛陽北界

廊注洛陽故城漢河南

郡治在今洛陽縣東北二十里

又東逕平縣故城北

水經

俗謂之小平也河北側岸有二城相對置北中郎府
河水南對首陽山春秋所謂首戴也夷齊之歌所矣

上有夷齊之廟河南有鈞陳壘世傳武王伐紂八百
諸侯所會處河水至斯有盟津之目論衡曰武王伐
紂與八百諸侯咸同此盟故孟津亦曰盟津尚書所
謂東至於孟津者也又曰富平津晉陽秋曰杜預造
橋於富平津所謂造舟為梁也又謂之陶河魏尚書
僕射杜畿以帝將幸許試樓船覆於陶河謂此也
漢河南郡有平縣即今孟津縣西北小平
城也杜佑曰在鞏縣西北有津曰小平津
以今輿地言之河水自陝州又東逕澠池縣北其北

岸則垣曲縣

澗池在河南河南府西少北一百六十里垣曲在山西絳州西南二十里黃

河在縣南五里與澗池分水

又東逕新安縣北又東逕洛陽縣北

又東逕孟津縣北

新安在河南府西北七十里黃河去縣七十里洛陽河南府治黃河

去縣二十里繞北邙山之麓孟津縣在府東北五十里黃河去縣五里有陶渚其西有峽石馬渚高渚委

粟津皆大河津濟處縣西北十五里有羅家灘又西為楊家灘柳灘杏灘及耕子馬墳二灘皆在大河中

其北岸則濟源縣孟縣

濟源在懷慶府西七十里黃河在縣南七十里與新安洛

陽分水孟縣在府南少西五十五里黃河在縣南二十里南對小平津廣二里有南城北城中潭城河陽

三城記曰北城南臨大河長橋架水南城三面臨河屹立水濱中潭表裏二城南北相望黃河兩派貫於

三城之間每秋泛溢南北二城皆有濡足之患而中潭屹然如故此河水又東至孟

津之所經也自古論河患者皆云孟津而下地平

土疏移徙不常失禹故道然吾觀孟津以上亦不能無患自杜預建浮梁之後更三百餘年不間為水所毀至唐貞觀十一年河溢壞中潭城始見於史逮宋而其患彌甚史不絕書嘉祐八年大水馮襄中潭之城遂廢推原其故蓋隋唐以來底柱闕流之害倍於曩時延及孟津河身亦淺水暴至不能容故也宋世

北河淤澱水不通行今南岸灘渚更多非止一中渾

矣

潘季馴兩河經畧疏曰黃河經行之地唯河南之土最鬆禹導河入海一經河南其水未必如今之

濁今去禹導河之時復三千餘年流日久土日鬆土愈鬆水愈濁故平時之水以斗計之沙居其六一入伏秋則居其八矣以二升之水載八分之沙非極湍急即至停滯故水分則流緩流緩則沙停勢所必至也其所以不至遠汜濫者徒以夾河之山脈未盡地

高土堅耳然上流之怒不泄則害必鍾於下流漢明帝詔曰左隄彊則右隄傷左右皆彊則下方傷孟津之隄所謂左右皆彊則下方傷者也至滎陽則左隄

彊而右隄傷矣治河者欲使洛汭以東永無溢決其

可置孟津底柱於度外乎

禹貢
維指

東過洛汭至於大伾

禹貢

洛汭洛入河處至於大伾北行

孔氏傳 水經洛水
篇云洛水出京兆上

洛縣謹舉山又東戶水注之又東得乳水又東會於
龍餘之水又東門水出焉又東逕熊耳山北東北過
盧氏縣南逕陽渠關北又東逕盧氏縣故城南東與
高門水合又東松楊谿水注之又東庫谷水注之又
東北過蠡城邑之南又東過陽市邑南又東北過於
父邑之南又東渠谷疑關又東北過宜陽縣南又東
逕宜陽縣故城南又東北出散關南又東枝瀆左出
焉又東北過河南縣南又東過洛陽縣南伊水從西

來注之又東過偃師縣南又北陽渠水注之又東逕
訾城北又東羅水注之又東北過鞏縣東又北入於
河又東北
流入於河

大伾漢書音義以為今黎陽縣山臨河是

孔氏疏
今大名府

濬縣東北有黎陽故城
大伾山在縣東南二里

洛既北入河河之南洛之北其兩間為汭汭之為言
在洛水之內也渭水入河之間亦名渭汭正其義也

程大昌
書譜

自華山東行為嵩山伊洛瀍澗合為一川北流入於

河是為山川一都會周人卜洛蓋自古以為令居矣
導河南至華陰折而東行至大伾折而北行所謂千
里而一曲也

黃度尚
書說

黎陽山一名黎山晉灼曰黎山在其南河水經其東
其山上碑云縣取山之名取水在其陽以為名也劉
楨黎陽山賦曰南蔭黃河左覆金城青壇承祀高碑
頌靈隋志黎陽縣有大伾山括地志云大伾山今名
黎陽東山又名青壇山山在衛州黎陽縣南七里顧

炎武肇域記云爾雅山一成曰亾孔安國曰山再成曰亾今觀山形當以安國為是山上有青壇漢光武平王郎還至黎陽築壇祭告天地百神劉楨賦所謂

青壇承祀高碑頌靈者也

禹貢
錐指

河水

自平縣
故城北

又東過鞏縣北

水經

河水於此有五社津縣北有山臨城謂之崆嶺丘其下有穴謂之鞏穴直穴有渚謂之鮪渚呂氏春秋稱武王伐紂至鮪水紂使膠鬲候周師即是

酈注
今河南府鞏

縣北五里有五社津
崖丘在縣西北三十里

洛水從縣西北流注之

水經

洛水於鞏縣而東洛汭北對琅邪渚入於河謂之洛口自縣西來而北流注洛清濁異流皦焉殊別

酈注

又東過成臯縣北濟水從北來注之

水經

河水自洛口又東左逕平臯縣南又東逕懷縣南濟

水故道之所入與成臯分河水

酈注

平臯廢縣在今懷慶府溫縣東懷

縣故城在今懷慶府武陟縣西南

又逕黃馬坂北

水經

謂之黃馬關

酈注

今開封府汜水縣西十五里有黃馬關

又東逕旋門坂北

水經

今成臯西大坂昇陟北坂東趣成臯曹大家東征賦
曰望河洛之交流看成臯之旋門者也

酈注 今開封府汜水縣

西南十里
有旋門坂

東逕成臯大伾山下

水經

成臯縣故城縈帶伾阜絕岸峻周高四十許丈城張

翁嶮崎而不平春秋傳曰制巖邑也虢叔死焉即東

虢也魯襄公二年晉成公與諸侯會於戚遂城虎牢

秦以為關

酈注 大伾山在汜水縣西一里有大澗九曲一名九曲山上有成臯舊城呂布嘗

據此山之東盡於玉門山為汜水入河處西去洛口裁四十里非禹貢之大伾山也

南對玉門

水經

昔漢祖與滕公潛出濟於是處也門東對臨河

酈注

又東合汜水

水經

水南出浮戲山世謂之方山北逕虎牢城東又北流

注於河

酈注

方山在記

水縣南四十里

又東逕板城北

水經

有津謂之板城渚口

酈注 汜水縣東北二十里即板城渚隋大業初開通濟渠自

板渚引河歷
滎陽入汴

又東過滎陽縣菴蕩渠出焉

水經

漢平帝世河汴決壞未及得修永平十二年議治汴渠詔王景與將作謁者王昊共築堤修竭起自滎陽東至千乘海口千有餘里陽嘉中又自汴口以東緣

河積石為堰通古淮口咸曰金堤建寧中又增修石

門以遏淮口水盛則通注津耗則輟流

陽今為滎澤

古滎

河陰二縣地蕩蕩渠首受河處即今河陰縣西二十里之石門渠是也河渠書言滎陽下引河東南為鴻溝亦即其處班志河南滎陽縣下云有浪湯渠首受泚泚即河也漢人謂濟水截河而南故曰首受泚京相璠所謂出河之濟宋張洎云即鴻溝也蕩蕩渠東南流為滎瀆濟水為官渡水為陰溝汜水浚儀渠其在大梁城南者為鴻溝鴻溝南流兼沙水之目沙水枝津又為睢水渦水名稱不一要皆河陰石門河水為之委別而源同也志家不曉繫鴻溝於今滎陽縣漢京縣地繫蕩蕩於滎澤縣繫石門渠於河陰縣似各為一水原委不相貫者而又以河陰石門與滎口石門混為一處故詳辨之若隋場引板渚口水入汴

則在汜水縣東北二十里漢成臯縣地其非古滎陽引河處亦明矣又按今河陰縣西有石門渠滎瀆受河之處即禹貢導滎水之道亦曰滎口蘇代曰決滎口魏無大梁信陵君亦云決滎澤而水大梁其後秦王賁果斷故渠引水東南灌大梁亦兼邲之稱晉楚之戰楚軍於邲即此水也建寧中於故城西北壘石為門以遏後儀渠口水門廣十餘丈西去河三里水盛則通水耗輟流即鄴注所云是也魏黃初中河濟泛溢鄧艾議開石門以通之晉武帝時復壞傳祗為滎陽太守造沉滎堰於是充豫無水患桓溫伐燕欲開石門以通水運而不能既而燕率騎屯石門斷溫糧道劉裕伐秦遣水軍出石門自汴入河乃於北十里更鑿故渠道之周齊之間名汴口堰隋使梁睿增築漢古堰遏河入汴自是又名梁公堰又開通濟渠自板渚引河歷滎澤入汴唐河南尹李傑奏浚梁公堰以通漕公私便利未幾洛陽人劉宗器請塞汴

水舊汴河於梁公堰置斗門通淮汴明年新漕填塞乃命疏鑿舊河旬日而畢及劉晏為轉運使驗視梁公堰通津渠及李傑新隄盡得其利轉輸無壅後周浚汴口導河達於淮江舟楫始通復命王朴如河陰按行河堤立斗門於汴口既又令韓令坤導汴入蔡以通陳潁之漕胡三省曰自漢築滎陽石門而濟與河合流入海不入滎澤

又東北逕卷之扈亭北

水經

左傳文公七年晉趙盾與諸侯盟於扈竹書紀年晉

出公二十二年河絕於扈即於是也

酈注杜預云扈鄭地在滎陽

卷縣西北今原武縣西北有扈亭

又東逕八激堤北

水經

漢永初七年令謁者太山于岑於石門東積石八所

皆如小山以捍衝波謂之八激堤

鄜注

又東逕卷縣北

水經

晉楚之戰晉軍爭濟舟中之指可掬楚莊祀河告成

而還即是處

鄜注 卷縣故城在原武縣西北七里城東有濟隧濟水上承河水於卷縣北

河南與出河之濟會

又東北逕赤岸固北而東北注之又東北過武德縣東

沁水從之

水經 武德縣故城在今懷慶府武陟縣沁水篇云沁水出上黨涅縣謁底山東南流逕

武德縣南又東南至
滎陽縣北東入於河

東至酸棗縣西濮水東出焉

水經

漢孝文時河決酸棗東潰金堤大發卒塞之故班固

曰文堙棗野武作瓠歌謂斷此口也今無水

酈注
酸棗故

城在今開封府延津縣北十五里濟水注
云濮水受河於酸棗縣漢世塞之即此

河水又東北通謂之延津

水經

是處有靈昌津昔澹臺子羽齋千金之壁渡河陽

侯波起兩蛟挾舟子羽曰吾可以義求不可以威劫
操劔斬蛟蛟死波休乃投壁於河三投而輒躍出乃
毀壁而去示無恠意趙建武中造浮橋於津上採石
為中濟石無大小下輒流去用功百萬經年不就石
虎親閱作工沉壁於河明日壁流渚上波蕩上岸遂
斬匠而還鄴注元和志云滑州靈昌縣有延津即
靈昌津在縣東北二十二里今滑縣西南
有靈昌廢縣津在白馬津之西南

又東逕燕縣故城北濟水自北來注之

水經

河水於是有棘津之名亦謂之濟津故南津也春秋

僖公二十一年晉將伐曹曹在縣東假道於衛衛人

不許還自南河即此濟也

酈注 今胙城縣
東有東燕故城

又東淇水入焉又東逕遮害亭南

水經

漢書溝洫志曰在淇水口東十八里有金堤自淇口

東地稍下堤稍高至遮害亭四五丈又有宿胥口舊

河水北入也

酈注 水經淇水出河內隆慮縣西大
號山注云淇水南歷枋廬舊淇水南東

流逕黎陽縣界南入河淇水口亦名清河口以淇清
二水合流入河故互受其名也宿胥口在今大名府

濬縣西南

遮害亭東

以今輿地言之河水自孟津縣北又東逕鞏縣北洛

水入焉其北岸則溫縣濟水入焉

鞏縣在河南府東少北一百三十里

黃河南去縣十里洛水舊於此入河今又東過汜水縣至滿家溝入河溫縣在懷慶府東南五十里黃河

在縣南新志云河舊離城二十里今漸徙而北逼近城隈矣濟水古於武陟縣東入河後徙流逕溫縣南

至平臯入河今故道盡陷河中又東逕汜水縣北又東逕滎陽縣北

其北岸則武陟縣汜水入焉

汜水在開封府鄭州西一百一十里黃河南去

縣二十五里武陟在懷慶府東一百里黃河在又東縣南十五里汜水在縣東一里入河名南賈口

逕河陰縣北又東逕滎澤縣北其北岸則獲嘉縣河陰

在鄭州西北五十里滎澤在州北五十里獲嘉在衛輝府西南九十里又東逕原武縣

北原武在開封府西一百二十里又東逕陽武縣北陽武在府西九十里又

東逕延津縣北又東逕胙城縣北其北岸則新鄉汲

縣延津在府西北九十里胙城在衛輝府東南三十里新鄉在府西南五十里汲縣在衛輝府治黃河

在縣東南又東北至濬縣西南古宿胥口大伾山在十七里

其東北其南岸則滑縣濬縣在大名府西南一百八十里滑縣在府西南二百里

黃河舊在濬縣東南滑縣西北自金明昌中河離汲縣而濬滑之流遂絕此河水東過洛

汭至於大伾之所經也 凡二水並行一盛則一微
自然之勢也宋元祐初蘇轍上疏有云黃河之性急
則通流緩則淤澱既無東西皆急之勢安有兩河並
行之理此格言也蓋上流宜合而不宜分合則流急
而沙去分則流緩而沙停矣周之衰也王政不修水
官失職諸侯各擅其山川以為已利於是有滎陽下
引河為鴻溝者自是以後日漸穿通枝津交絡宋鄭
陳蔡曹衛之郊無所不達至定王五年河遂南徙無

他河水之入鴻溝者多則經流遲貯不能衝刷泥沙故也宿胥之塞實鴻溝致之不然禹功歷千餘歲而不敝何獨至春秋一旦變遷也哉 河自孟津以下出險就平兼會濟沁伊洛漸有奔放之勢然南岸鞏至滎澤山脈不斷瀕河地形高印河不能決而南故廣武以東無河患禹但豬滎播而其事畢矣自鴻溝既開不惟害及禹河而豫之東境亦被其災漢平帝世河侵汴渠歲月逾甚滎澤塞為平地陶丘不辨壤

墳後雖修治而決溢時有邊韶榮口石門碑云一有
決溢彌原淹野蟻孔之潰害起不測此鴻溝之遺患
也故黃文叔曰蕩蕩出河斷非禹迹後世之人妄鑿
河為瀆或不順地勢或附屬不理孫故其勢易決盖
非獨蕩蕩也其下濮水通河而酸棗決瓠水通河而
瓠子決汴渠亦屢決至王景治汴鑿山開澗十里置
門使水更相回注紊亂渠脈而禹迹益壞矣且所謂
通淮泗者以舟楫之利也河已通矣而何更用通蕩

蕩哉其曰禹塞滎水而鑿之者春秋戰國之世商權
功利而忽遠圖並植私徇欲而不顧大經策謀之士
託其名於禹而世不察也河渠書云滎陽下引河東
南為鴻溝以通宋鄭陳蔡曹衛與濟汝淮泗會其在
春秋戰國之際明矣偉哉此論善發禹貢之蘊并可
以證徐州達於河之誤昔漢武帝云河乃大禹之所
導也聖人作事為萬世功通於神明恐難改更唯英
主能為是言周衰列國之君不明斯義苟欲便轉輸

資灌漑則妄引河流貫注境內狃於一時之小利而不顧萬世之大害穿渠之禍甚於曲防真夏王之罪

人也

禹貢
錐指

行水金鑑卷三